

## Ilanngussa

## MISSINGIUT

**Ingerlatsiviit pillugit inatsisip allanngortinneqarnera pillugu inatsisini assigiinngitsuni aalajangersakkat ilaasa Kalaallit Nunaannut atuutilernissaannut peqqussutip eqikkarnera****Imarisai**

1. Ingerlatsivimmu aningaasaliissutit
2. Aallarnisaanermik ingerlatsiviit
3. Aningaasaliissunut attartortitsineq
4. Akissarsiaqartitsinermut politikki
5. Qanittumik suleqatigisanik peqateqarluni aningaasanik nuussisarnernik ammasumik ingerlatsisarneq aamma akuersisarneq
6. Naatsorsuuserisumik qinersineq aamma soraarsitsineq
7. Suliffeqarfinnik killilimmik akisussaaffilinnik (V.M.B.A.-nik) A/S-inngortitsilluni allannguinerit
8. Inunnut paasissutissanik illersuineq
9. Piginnittuiit
10. Kontrolpakkeni

**1. Ingerlatsivimmu aningaasaliissutit**

Aktianik piginneqatigiiffimmu aningaasaliissutit, ingerlatsiviit pillugit inatsisip 2018-imi Kalaallit Nunaannut atuutilersinneqarneraniilli, 500.000,00 kr.-iniit 400.000,00 kr.-inut apparneqarnikuvoq. Ingerlatsivimmu aningaasaliissutit appartinneqarnerata, aktianik piginneqatigiiffimmik pilersitsinissamut aamma ingerlatseqatigiiffimmiit aktianik piginneqatigiiffimmu allannguinnissamut periarfissaq piuminarsassavaa. Aningaasaliisartut aamma niuernikkut attavigisat akornanni aktianik piginneqatigiiffimmu immikkut tatiginninnermik atassusiisarneq eqqarsaatigigaanni tamanna siunertamut naapertuuppoq. Ingerlatseqatigiiffinnu aningaasaliissutit 50.000,00 kr.-iniit 40.000,00 kr.-inut apparneqarnikuupput. Appaaneq tamanna, aallarnisaanermik ingerlatsiviit atuukkunnaarsinneqarnerinut (imm. 2 takuuk), aallarnisaanermik ingerlatsivimmu sinaakkutit piumasaqaatinik pitsaasunik qulakkeerinissamut attuumassuteqarpoq. Taamaalilluni, maannakkut aallarnisaanermik ingerlatsivimmik pilersitsinnaajunnaartunut aallarniianut ingerlatseqatigiiffimmik pilersitsinissamut periarfissaq piuminarsivoq.

Ingerlatsivimmu aningaasaliissutit appartinneqarnerisigut Kalaallit Nunaanni aningaasaliissutissatut piumasaqaatit, nunani avannarlerni ingerlatseqatigeeriaatsinut assingusunut aningaasaliissutissatut piumasaqaatit inissisimaffiannut inissinneqarput.

Inatsisitigut akuerisaasumik ingerlatsivimmu aningaasaliissutinut minnerpaaffiliineq pillugu piumasaqaammut tunngaviuvoq, annaasaqarnissamut naleqquttumik illersugaanissamik akiitsoqarfigineqartussanut tunisinissaq kissaatigineqarmat. Taamaattoq, aqutsisut ingerlaavartumik qulakkiissallugu pisussaaffigisaat, ingerlatsiviup aningaasaliissutitigut upalungaarsuutaasa qaqugukkulluunniit isumannaatsuunissaat, aktianik piginneqatigiiffinnu

aamma ingerlatseqatigiiffinnut, suli atuuppoq. Tamanna isumaqarpoq, aningaasaliissutitut piumasagaativiit pissutsini piviusuni qaffasinnerusinnaasut.

## **2. Aallarnisaanermik ingerlatsiviit**

Killilimmik akisussaaffilimmik aammalu tamatumunnga peqatigitillugu suliffeqarfimmik ingerlatsinermut aamma aningaasatigut pissutsinut naleqqiullugu annertuumik paasissutissiiffiusumik suliffeqarfimmik ingerlatsinissamut periarfissamut killiliisoq appartissallugu suliffeqarfiup ilusaanik siunertaasimavoq. Aningaasaliissutitut piumasagaat annikitsoq tamanna sinaakkutitut piumasagaatinik pitsaanerusunik pilersitsinissamut tapersiissammat aamma taamaalilluni Danmarkimi aallarnerusussutsimik siuarsaassasoq naatsorsuutaasimavoq.

Taamaattoq, ulloq 17. september 2018 tamanut saqqummiunneqartoq, aallarnisaanermik ingerlatsivinnik Erhvervsstyrelsenip misissueqqissaarnera, aallarnisaanermik ingerlatsiviit ilusaat inuussutissarsiorlut akornanni kissaatigineqartumik sunniummik angusaqarfiusimannginneranik ersersitsivoq. Misissueqqissaarnej ilaatigut tulliuuttunik ersersitsivoq:

Ingerlatseqatigiiffiit aamma inummit ataatsimit suliffeqarfiutigineqartut aggornerinit, aallarnisaanermik ingerlatsiviit aggornerisa amerlanerusortai momsimek nalunaarsuinerlut atatillugu pillaatissinneqartarput. Tamatumunnga peqatigitillugu, akileraartarnerlut aqutsisoqarfiup peqquserluttuliortoqarsimaneranik naliliisarnera tunuliaqutaralugu akileraartarnermi aamma akitsuusiisarnermi inatsiseqarnej malillugu nalunaarsorneqarumangitsutut suliffeqarfiit akornanni aallarnisaanermik ingerlatsiviit takussaanerussuteqarput. Aallarnisaanermik ingerlatsiviit inuiaqatigiinni atuuffianni, pingaartumik akileraartarnerlut aqutsisoqarfiup pillaatissiissutitut atuisarnera pillugu aamma suliffeqarfiit matuneqartarnerlut aningaasartuutit pillugit misissueqqissaarnermi inerniliinerit ernumatitsipput. Tamanna tunuliaqutaralugu aallarnisaanermik ingerlatsiviit ilusilerneqarnerat atorunnaarsinneqarpoq.

Aallarnisaanermik ingerlatsiviit ingerlalluartut suliffeqarfiutimi ingerlatiinnarnissaannut periarfissaat qulakkeerniarlugu, aallarnisaanermik ingerlatsiviit aningaasaatit sinneruttut, aallarnisaanermik ingerlatsiviit ingerlatsivittut aningaasaataasa aamma ingerlatseqatigiiffiit ingerlatsivittut aningaasaataasa ikinnerpaaffissatut piumasagaatip 40.000 kr.-iusup assigiinnngissutaat (tak. pkt. 1), atorlugit ingerlatseqatigiiffittut nutaamik nalunaarsorneqarsinnaanerlut oqilisaaffigineqarpoq. Ilutigitillugu peqqussutip 1. januar 2022 atuutilersinneqarneraniit ukiut marluk ulloq 1. januar 2024-imut nutaamik nalunaarsorneqarnissamut piffissaritinneqarpoq.

## **3. Aningaasaliisunut attartortitsineq**

Aningaasaliisunut attartortitsineq pillugu maleruagassat imaalillugit allanngortinneqarput, ingerlatsivinnut, siornatigumut naleqqiullugu ingerlatsiviup piginnittuinit imaluunniit aqutsisuinit attartortitsinissamut, qularnaveeqqusiinissamut il. il. annertusisamik periarfissaqalerluni. Ukiuni amerlasuuni inerteqquteqarnerup kingorna Kalaallit Nunaanni aamma nunani allani ingerlatsiviit pingaarnerusut ilaannut aningaasaliisunut attartortitsineq, imaluunniit nalinginnaasumik niuernermi atuinissamut ilaatillugu attartortitsineq pineqarpat, taamaallaat periarfissaasimavoq. Akiitsoqarfiusunik illersuinissamik eqqarsaateqarnej pingaarnertut inerteqquteqarnerlut tunngaviusimavoq, kisiannili aamma ingerlatsiviup piginnittuinit aamma aqutsisuinit akileraarusigaanngitsunik ingerlatsivimmit aningaasanik annissuinissamik periarfissanik pitsaaliuinissaq kissaataasimalluni.

Piomasagaatit ilaasa ataanni piginnittunut aamma aqutsisuni ilaasortanut, aningaasaliisunut attartortitsinissamut, allannguummik ingerlatsivinnut periarfissaalerpoq. Niuffannerni piomasagaatinik nalinginnaasunik toqqammaveqarluni, aningaasatigut ikiorsiineq, tassunga ilagitillugit attartukkat, ingerlatsiviup sillimmataani tigorianaanaat iluanni pissasoq piomasagaataavoq. Tamatuma saniatigut aalajangiineq ataatsimeersuarnermi imaluunniit ingerlatsiviup qitiusumik aqutsisoqarfiani, ataatsimeersuarnermit piginnaatitaasumit, aalajangiivigineqassaaq aammalu aatsaat ingerlatsiviup ukiumoortumik nalunaarusiaata siulliup saqqummiunneqarnerata kingorna aalajangiivigineqarsinnaalluni.

EU-mi nunani periuserineqartumut assingusumik piuminartumik, ersarissumik aamma sunniuteqarluartumik inuussutissarsiornermik maleruagassiukkamik sinaakkutinik pitsaasunik qulakkeerinissamut ikiuutaanissaa allannguummi siunertaasimavoq. Siuliani inerteqqummut naleqqiullugu annikinnerusumik akuliunermik maleruagassiuinermik, akiitsoqarfigisat illersorneqarnissaasa eqqarsaatigineqarnerat isumannaatumik isumagineqarsinnaanerannik taamaaliornikkullu Kalaallit Nunaanni ingerlatsivinnut eqaallisaanermik piomasagaatit isumaqarput. Aammattaaq ingerlatsivik, aningaasaliisumut imaluunniit aqutsisunut ilasortaasumut il. il. aningaasanik attartortitsisoq, aningaasanik attartortitanik aningaasanik naatsorsuusiordernermi allatut suussusilersuineramik suliaqassasoq, allannguinerup nassataraa. Aningaasanik allatut suussusilersuineramik suliaqarnerup malitsigivaa, ingerlatsiviup sillimatai pituttugaanngitsut annikillilerneqarnissaat aningaasat attartortitat annertoqataannik, aamma aningaasat attartortitat naatsorsuutini nammineq pigisat ataanni allanneqassasut »Attartortitanut sillimmatit aamma qularnaveeqqusiineq«, tak. ukiumoortumik naatsorsuutininut ilanngussaq 2, taamaalillutik sillimatinngorlutik pituttugaasut. Taamaaliornikkut naatsorsuutininik atuisut takusinnaassavaat ingerlatsiviup sillimatai atoriaannaasut annikillisimasut.

#### **4. Akissarsiaqartitsinermit politikki**

Kalaallit Nunaanni inatsisit atuuttut malillugit, ingerlatsiviit børsnoterekkat akissarsiaqartitsinissamik politikimik periusissamik suliaqarnissaat pillugu piomasagaateqanngilaq. Taamaattoq siulersuisunik aamma pisortanik ingerlatsiviup kajumississutaasussanik akissarsiaqartitsinissaanut tamaat isigalugu maleruagassanik ingerlatsiviit børsnoterekkat aalajangersaassapput.

EU-mi/EØS-imi nunami imaluunniit Kalaallit Nunaanni inissisimasumi imaluunniit ingerlasumi niuffaffimmi maleruagassiugaasumi nioqutiginissaannut immikkoortinneqarsimasunik taasisinnaatitaassutitalinnik aktiaatillit, aktianik piginneqatigiiffiit, aqutsisunut ilasortaasunut akissarsiaqartitsinissamik politikimik aamma akissarsiaqartitsinermit nalunaarusiamik suliaqassasut, akissarsiaqartitsinissamik politikki pillugu maleruagassat nutaat malitsigaat. Ingerlatsivinni børsnoteregaasuni aqutsisunut ilasortaasunik akissarsisitsisarnerup ammanerusunngortinnissaanut allannguut ikiuutaavoq.

Aalajangersimasumik aamma nikerartumik akissarsialersuinermi periaatsit assigiinngitsut, akissarsiaqartitsinissamut politikimi nassuiarneqassaaq. Akissarsiaqartitsinissamik politiki pillugu pituttuisumik taasisitsineq ataatsimeersuarnermi ingerlanneqassaaq, tamatumalu kingorna akissarsiaqartitsinissamik politiki ingerlatseqatigiiffiup nittartagaani tamanut nalunaarutigineqassalluni. Pingaarutilimmik allannguisoqarnerit tamaasa aammalu kingusinnerpaamik ukiut sisamakkarlugit akissarsiaqartitsinissamik politiki pillugu taasisitsisoqartassaaq. Akissarsiaqartitsinissamik politiki ataatsimeersuarnermi akuerineqanngippat, kingusinnerpaamik ataatsimeersuarnermi nalinginnaasumi tulluuttumi akissarsiaqartitsinissamik politikimut siunnersuummik allanngortitamik aqutsisoqarfik qutsinnerpaaq saqqummiussissaaq.

Aktianik piginneqatigiiffiit, akissarsiaqartitsinissamik politikimik suliaqarsimasut, taamatuttaaq ersarissumik aamma paasiuminartumik akissarsiaqartitsinissamik nalunaarusiamik suliaqassapput. Aqutsisoqarfimmi ilaasortaasut ataasiakkaat ukiumi naatsorsuuseriorfimmi kingusinnerpaami pisassaannik imaluunniit tamatuma ingerlanerani pissarsiaannik akissarsisitsisarnermik, akissarsiaqartitsinissamik nalunaarusiaq tamakkiisumik ersersitsissaaq. Akissarsiaqartitsinissamik nalunaarusiaq ataatsimeersuarnermi nalinginnaasumi tamatuminnga akuersineq pillugu siunnersuutitut taasisitsinissamut pissutaassaaq.

## **5. Qanittumik suleqatigisanik peqateqarluni aningaasanik nuussisarnernik ammasumik ingerlatsisarneq aamma akuersisarneq**

Qanittumik suleqatigisanik peqateqarluni aningaasanik nuussisarnernik ammasumik ingerlatsisarneq aamma akuersisarneq pillugit maleruagassanik nutaanik eqqussisoqarpoq, ima isumaqartumik, ingerlatsiviit aamma qanittumik suleqatigisat akornanni, niuernermin piumasaqaatit nalinginnaasut atorlugit aningaasanik nuussisarnernit suliarineqartassasut, aammalu aningaasanik nuussisarnernit pillugit piginneqataasut ingerlaavartumik paasissutissiisutit tunineqartassasut.

Aammattaaq allannguneq isumaqarpoq, aktianik piginneqatigiiffinni, EU-mi/EØS-imi nunami imaluunniit Kalaallit Nunaanni niuffaffimmi maleruagassiugaasumi nioqqutiginnissaannut immikkoortinneqarsimasunik aktiaatilinni, qanittumik suleqatigisat peqatigalugit aningaasanik annertuunik nuussinerit, aningaasanik nuussineq ingerlanneqartinnagu, ingerlatsiviup aqutsisoqarfianit qutsinnerpaamit suliarineqassapput aamma akuerineqassallutik. Tamatuma saniatigut ingerlatsiviit, nuussinernut aningaasat pineqartut nalinginik killiliussaasunik qaangiisunik, isumaqatigiissuteqarnerup suliarineqareerneraniit piaarnerpaamik ingerlatsiviup nittartagaatigut tamanut nalunaaruteqassapput. Taamaattoq, ilaatillugit nalinginnaasut nuussinerit, nuussinerit ilaannut maleruagassat atuutinngillat.

## **6. Naatsorsuuserisumik qinersineq aamma soraarsitsineq**

Ingerlatsiviit pillugit inatsimmik allannguneq isumaqarpoq, naatsorsuuserisup qinigaaffianut piffissami killiliinermik atuuttoqartoq, taamaalilluni inatsisitigut pisussaaffigisaq pillugu naatsorsuuserinermik suliariumannittussarsiuussineq ingerlanneqarpat, pisortatigoortumik soqutigisaqarfigineqartut suliffeqarfiit ataatsimeersuarnermi naatsorsuuserisumik atugareriikkaminnik amerlanerpaamik ukiuni 20-ni, imaluunniit, ukiunik qulinik sivisussusillip qaangiunnerata kingorna ataatsimeersuarnermi, tamatuma saniatigut minnerpaamik ataatsimik naatsorsuuserinermik suliaqartussamik, kukkunersiuisumik qinersisoqarpat, sivisunerpaamik ukiuni 24-ini qinerseqqittarsinnaasut.

Tamatuma saniatigut inatsisitigut pisussaaffigisamut naatsorsuuserinermik suliaqarnissaq siunertaralugu naatsorsuuserisumik toqqaanermi ataatsimeersuarnermi toqqagassanik periarfissanik killilersuinermit inerteqqummik eqqussisoqarpoq. Atuutilersitsiffiup kingorna killilersuinerit pioreersut atortussaajunnaarput.

Tamatuma saniatigut, pissutsinik tamatumunnga patsisissaqartoqarpat, pisortanut soqutigisaqarfigineqartuni suliffeqarfinni naatsorsuuserisut, eqqartuussutikkut soraarsinneqarsinnaapput. Tamanna pillugu, aningaasaliisoq ataaseq imaluunniit arlallit, katillutik taasisinnaatitaassutit imaluunniit ingerlatsivimmik aningaasaliinerit minnerpaamik 5 pct.-iinik tunuliaqutallit eqqartuussisulersuussisoqarsinnaavoq. Aammattaaq naatsorsuuserinermik suliffeqarfinnut aamma naatsorsuuserisunut akuerisaasunut nakkutilliisoqarfittut Erhvervsstyrelseni eqqartuussisulersuussisinnaavoq.

## **7. Suliffeqarfinnik killilimmik akisussaaffilinnik (V.M.B.A.-nik) A/S-inngortitsilluni allannguinerit**

Siornatigut ingerlatsiviit pillugit inatsit malillugu (Andelsselskab Med Begrænset Ansvar A.M.B.A-p) killilimmik akisussaaffilip peqatigiittut ingerlatseqatigiiffiup, aktianik piginneqatigiiffinngortillugu allanngortinnissaa kisimi periarfissaasimavoq. Taamaattoq aammattaaq peqatigiiffik killilimmik akisussaaffilik (Forening Med Begrænset Ansvar F.M.B.A) imaluunniit ingerlatseqatigiiffik killilimmik akisussaaffilik (Selskab Med Begrænset Ansvar S.M.B.A) A.M.B.A-anngortissinnarlugu, kingornatigut taanna A.M.B.A. ingerlatseqatigiiffiit pillugit inatsit malillugu aktianik piginneqatigiiffinngortinneqarsinnaalluni. Tamanna allanngortitsineq piuminarsarumallugu ingerlatsiviit pillugit inatsimmi aalajangersakkamik ikkussisoqarpoq, taamaalilluni V.M.B.A., tassa A.M.B.A. saniatigut aamma F.M.B.A. aamma S.M.B.A., aktianik piginneqatigiiffinngortillugu allanngortinneqarsinnaalerluni.

## **8. Inuit pillugit paasissutissanik illersuineq**

Tamanna allannguneq, inunnik, Det Centrale Virksomhedsregisterimi nalunaarsorsimasunik, namminerisamik najukkaminik nalunaarsuivimmit tamanut nalunaarutigineqatsaalinissaminut periarfissiinissamut pingaarnertut siunertaqarpoq. Inuk aterminik aamma najukkaminik illersorneqarnissamik Det Centrale Personregisterimi nalunaarsortissimaguni, allannguinerup kingorna Det Centrale Virksomhedsregisterimi najugaq tamanut nalunaarutigineqassangilaq. Taamaattoq inuup Det Centrale Personregisterimi najukkaminik illersuinerup, Det Centrale Virksomhedsregisterimi atuutissannginnera pillugu Erhvervsstyrelseni qinnuigisinnaavaa. Inuit cpr.-normoqanngitsut, najugarisamik Det Centrale Virksomhedsregisterimi tamanut nalunaarutigineqannginnissaa pillugu, Erhvervsstyrelseni qinnuigisinnaavaat. Erseqqissaatigineqassaaq, Det Centrale Virksomhedsregisterimi paasissutissanik nalunaarsuineq pillugu maleruagassat allanngortinneqanngimmata. Allannguneq taamaallaat paasissutissanik tamanut nalunaaruteqarnermut tunngavoq.

Najukkanik paasissutissat, ingerlatsiviit pillugit inatsit naapertorlugu nalunaarsugaasut, suliffeqarfiup unissimasinnaanera apeqqutaatinnagu, suliffeqarfimmi inuup atorfeqarunnaarnerata kingorna ukiut tallimat ingerlareerserlugit, Det Centrale Virksomhedsregisterimi tamanut nalunaarutigineqartassasut, aammattaaq atuuppoq.

Tamatuma saniatigut, piginneqataassutsiminnik atuisinnaanissaannut piginneqataasut periarfissaasa tapersernissaat siunertaralugu piginneqataasuminnik kinaassusersinissaminut pisinnaatitaaffimminnik suliffeqarfinnut børsnoterekkanut maleruagassat allanngortinneqarput - tamanna pillugu sukumiinerusumik immikkoortoq 9-mi misissuisoqarsinnaavoq. Ilaatillugit assersuutigalugu piginnittut atii tamaasa, e-mailadressia, najugaa, piginneqataasup tiggummissaasa piginneqataassutit amerlassusaat, aktieklassit sorliunerat il. il. pillugit, paasissutissat ilaannik akunnermiliuttut qinnuiginninnissaannut suliffeqarfiit børsnotekkat allannguummik pisinnaatitaalerput. Aammattaaq suliffeqarfiup børsnoterekkap, piginnittunut tunniutissallugit suliffeqarfiup pisussaaffigisani paasissutissat akunnermiliuttunut nalunaarutigissavai.

## **9. Piginnittuiusut**

Allannguinerimik tamatuminnga piginnittuigisatik pillugit paasissutissanik pissarsiortornissamut aamma nalunaarsuinissamut ingerlatsivinnut pisussaaffik eqqussisoqassaaq, aammalu paasissutissat tamakkua allannguuteqarsimaneri pillugit, ingerlatsivik minnerpaamik ukiumut ataasiarluni misissuisassaaq. Tamatuma saniatigut ingerlatsivimmik piginnittut paasissutissiinissamut pisussaaffeqarput, ingerlatsivimmut, piginnittuiusunik kinaassusersinissaanut pisariaqartunik piginninnermut pissutsit pillugit paasissutissanik

piginnittut ingerlatsivimmik pilersuinissaannik nassataqartumik. Inuup piginnittuiusunnorsimaneranik, imaluunniit piginnittuiusujunnaarsimaneranik ingerlatsiviup ilisimannilersimanerata kingorna, paasisutissat sapinngisamik piaarnerpaamik, tamanit pissarsiarineqarsinnaaffigisaanni Erhvervsstyrelsenip it-kkut atortorissaarutaanni nalunaarsorneqassapput.

Piginnittuiusooq tassaavoq inuk, suut tamaasa eqqarsaatigalugit piginneqataassutinik imaluunniit taasisinnaatitaassutinik naammattunik pigisaqartoq imaluunniit nakkutiginnittoq, imaluunniit sakkut allat atorlugit nakkutiginninnermik ingerlataqartoq, suliffeqarfinnik børsnoterekkamik piginnittut eqqarsaatiginagit. Ingerlatsiviup sananeqaataata tunuani kinaassutsiminnik toqqorterniarfigisinnaasaraluinik pinerluttunik malersuinnermut atugassatut, piginnittuisut nalunaarsorneqartarfiannik, inatsisitigut ingerlatanut taama ittunut piginnittuisut pillugit eqqoqqissaartut aammalu nutarsagaasut paasisutissat qulakkiissallugit, nalunaarsuivimmik siunertaavoq.

Tamatuma saniatigut ingerlatsivimmik pilersitsinnermut atatillugu ingerlatsiviup piginnittuiinik nalunaarsuisoqartarnissaa, ingerlatsivimmik aallartitsinnermut piumasaqaataavoq. Piginnittuisunik nalunaarsuisoqannginnera ingerlatsiviup matuneqarneranik kinguneqarsinnaavoq.

## **10. Kontrolpakkeni**

Nakkutilliinikkut nukittorsaanikkut, soorlu ilaatigut ingerlatsiveqarnermi, aningaasaqarnikkut peqquserluttarnermut sukkanerusumik aamma tunaartaqarnerusumik iliuuseqarnissamut aalajangersakkat nutaat periarfissiipput. Allanguutitigut Erhvervsstyrelsenip kikkut suliffeqarfimmik aqutsisuiuneranik, nunami allamiut pisortanut ilaasortaasut kinaassusaat pillugu uppersarneqarnissaannik piumasaqarnikkut aamma suliffeqarfiup najugarivigisaa pillugu anisussatigut nakkutilliinera nukittorsarneqassaaq.

Nalunaarutiginninnermut imaluunniit nalunaaruteqarnermut atatillugu pisunik arlariinnik nakkutilliineq aaqqissuulluagaasumik annerusumik digitalimik aaqqissuussinerit atorlugit ingerlanneqassaaq. Taamaattoq ingerlatsivinnut tunngasut nalunaarsorneqarneri inatsisinik malinninnikkut pinersut kingornatigut nakkutigineqarnissaat pisariaqartinneqassaaq, pisut tamakkerlugit nalunaarsuinnermut atatillugu qulaajarneqarsinnaanngimmata. Kingornatigut nakkutilliineq mianersorfissaqarpoq, taamaaliornikkut pisariaqanngitsumik nakkutilliineq sapinngisamik pinngitsoortinneqassammat. Mianersortumik nakkutilliinerup malitsigivaa, nakkutilliinerup aningaasaatinik ingerlatsivinnut aamma inunnut sammitinneqarnera, tassani kukkusoqarsinnaanera kukkunerillu kingunerisinnaasaat annerpaamik mianersuutassaammata. Kukkusoqarsinnaanera uaniimmat, aningaasaatinik ingerlatsiviit imaluunniit inuit pineqartut inatsisinik unioqqutitseratarsinnaanerat. Kukkunerit kingunerisinnaasaat eqqarsaatigalugit malitsiusut imaluunniit sunniutit akiligassaqarfinnut, attartortitsisunut aamma aningaasaliisunut tassaapput sunniuteqarsinnaasut. Malittarisassanik taakkuningga nutaanik Erhvervsstyrelseni pitsaannerusunik tunngavissaqassaaq kinguneqarluartumik unioqqutitsinerit iliuuseqarfiginissaannut, qulaajarneqartunik datat tunngavigalugit maskiinat namminneertumik ilinniarnersigut aamma silassorissutaasaliat atorlugit misissuinikkut.